

Էլեկտրոնիկի
արկածները

Евгений Велтистов

Приключения Электроника

Եվգենի Վելտիստով

Էլեկտրոնիկի
արկածները

Թարգմանությունը ռուսերենից՝
Նարինե Գիժարյանի



ԵՐԱՁ

newmag

Երևան

2024

ՀՏԴ 821.161.1-93 Վեյտիստով
ԳՄԴ 84(2)-44
Վ 402

Վ 402 Վեյտիստով եվգենի
Էլեկտրոնիկի արկածները / Ե. Վեյտիստով.- Եր.: Newmag, 2024.- 196 էջ:

Հանճարեղ գիտնականը ստեղծում է հումանոիդ ռոբոտ՝ Էլեկտրոնիկին: Այն փախչում է իրեն ստեղծող պրոֆեսորից, հանդիպում իր «երկվորյակին»՝ մոսկվացի դպրոցական Սերգեյ Սիրոյեժկինին: Էլեկտրոնիկը դառնում է Սերգեյ Սիրոյեժկինի ընկերն ու օգնականը, նրա փոխարեն գնում է դպրոց, սովորում դասերն ու կատարում հանձնարարությունները: Էլեկտրոնիկի մասին իմանում է մաֆիան, որը որոշում է առևանգել հումանոիդին: Այդպես էլեկտրոնիկն ու Սերյոժան հայտնվում են բազմաթիվ զավեշտալի և վտանգավոր իրավիճակներում:

Պ.Մ. նախատեսված է 12+ տարեկանների համար:

ՀՏԴ 821.161.1-93 Վեյտիստով
ԳՄԴ 84(2)-44

Գրքի գլխավոր գործընկեր՝
ՎՏԲ-Հայաստան Բանկ
vtb.am



ISBN 978-9939-967-49-3
© Велтистов Е. С., насл., 2018
Եվգենի Վեյտիստով, «Էլեկտրոնիկի արկածները» © 2024, «ՆյուՄեգ» ՍՊԸ

Այս գրքի հայերեն թարգմանության և հրատարակության իրավունքները պատկանում են «Նյու Մեգ» ՍՊԸ-ին: Իրավունքները ձեռք են բերվել ԱՍՏ հրատարակչության հետ կնքած պայմանագրով:

«Երագ» մատենաշարի
գործընկեր








ԲՈՎԱՆԴԱԿՈՒԹՅՈՒՆ

Չորսբռնականի ճամպրուկը.....	9
Սպիտակ խալա՞թ, թե՛ քանաձևեր.....	13
Ո՞վ է նա՛ չեմպիոնը.....	26
Մոնորտսագ, նուտաղեղ, մուրքամմիք.....	30
Բոլոր ժամանակների աճաբարը.....	40
Ամեն ինչ Էլեկտրոնիկի մասին.....	46
Ինչպես ծնվեց Էլեկտրոնիկը.....	54
Ինչպես էր սովորում Էլեկտրոնիկը.....	65
Ռենտգենը ոչինչ ցույց չտվեց.....	72
Գաղտնիք. «Դու ես եմ».....	75
«Կարող ծրագրավորողը».....	80
«Հարսնացուի աթոռը».....	86
Թերեմի երեք պահապանները.....	92
Էլեկտրոնիկի առաջին պարտությունները.....	101
Գետաձիու ծածկագիրը.....	110
Ջրույց սագի ու օձակրի հետ.....	119
Լավ է, որ շները չեն խոսում.....	130
Գաղտնիքի ծանրությունը. «Ի վերջո, ես մարդ եմ».....	133
Ի՞նչ է նշանակում մտածել.....	143
Գոտեմարտ «դասուսույցի» հետ.....	151
Երաժշտական կրթություն.....	157
Եթե ժամանակի մեքենա լիներ.....	162
Հարցական օր.....	175
«Սիրոյեժկինը ես եմ...».....	185
Նա ծիծաղում է.....	187

ՉՈՐՍԲՈՒՆԱԿԱՆԻ ՃԱՄՊՐՈՒԿԸ



Մայիսյան մի լուսադեմի չորսբռնականի ճամպրուկը գլխին, բաց մոխրագույն ավտոմեքենա մոտեցավ «Կաղնուտ» հյուրանոցին: Մեքենայի դռները լայն բացվեցին, ծխամորճն ատամների արանքում մի մարդ դուրս թռավ: Բարեհամբույր դեմքեր ու ծաղկեփնջեր տեսնելով՝ ամաչկոտ ժպտաց: Պրոֆեսոր Գրոմովն էր: Կիբեռնետիկների կոնգրեսի պատվավոր հյուրը Սինեգորսկից ժամանել էր սիբիրյան գիտական քաղաք ու, ինչպես միշտ, որոշել կանգ առնել «Կաղնուտում»:

«Կաղնուտ» հյուրանոցի հանդիսավոր դիմավորումը կազմակերպած տնօրենը սկսեց զբաղվել իրերով: Լայն բացած բեռնախցիկի երախից դուրս էր ցցվել վիթխարի ճամպրուկի կլորավուն անկյունը:

— Ը՛, նույնիսկ Ձեզ պես ուժեղ մարդու համար դժվար կլինի տեղից պոկել այս ճամպրուկը, — ասաց պրոֆեսորը՝ նկատելով, որ տնօրենը նայում է ճամպրուկին: — Կարգին ծանր ճապրուկ է:

— Ձէ մի, — արձագանքեց տնօրենը: Մկանուտ ձեռքերով ճանկեց ճամպրուկն ու դրեց գետնին: Ու կաս-կարմիր կտրեց: Սև ճամպրուկը երկարավուն էր, չորս բռնակով: Արտաքուստ կոնտրաբասի պատյանի էր նման: Այնուամենայնիվ գրությունը հստակ բնորոշում էր պարունակությունը. «Զգուշացե՛ք, սարքավորումներ են»:

— Այ քեզ բան, — գլուխն օրորեց տնօրենը: — Ո՞նց եք գլուխ հանել, պրոֆեսոր:

— Չորս բեռնակիր էի վարձել, հրահանգում էի,— ասաց Գրոմովը:

— Ձեզ հյուրանոցի նույն համարն ենք տրամադրել: Դեմ չե՞ք:

— Հիանալի է: Երախտապարտ եմ:

Տնօրենն ու երեք օգնական կառչեցին բեռնակներից ու ճամպրուկը երկրորդ հարկ բարձրացրին: Հետները բարձրացած պրոֆեսորը բավականությամբ զննեց հյուրասենյակի բաց կապտավուն պատերը, հարմարավետ կահույքն ու լայն, ամբողջ պատը զբաղեցնող պատուհանների դիմաց դրված փոքրիկ աշխատասեղանը: Զգաց, որ սենյակը սոճուտի բույր ունի և ժպտաց:

Տնօրենը սեղմեց դռան կողքի կոճակներից մեկը:

— Պարտադիր չե՛ փշատերև ծառի հոտ գա: Եթե կուզեք, ծաղկուն մարգագետին, մանուշակներ ու անգամ ձմռան եղանակ կլինի: Սրանք բույրերի գեներատորի կոճակներն են: Տրամադրությունը բարձրացնելու համար:

— Ամեն ինչ հրաշալի է, հիանալի տրամադրություն է ստեղծում,— հանգստացրեց նրան պրոֆեսորը:

— Այդպես էլ մտածեցինք: Խնդրեմ, տեղավորվեք, հանգստացեք,— և հյուրանոցի տնօրենը հեռացավ:

Պրոֆեսորը բացեց պատուհանը: Վաղորդյան զեփյուռը, տերևների խշշոցով լցվեց սենյակ և խճճվեց թափանցիկ վարագույրների մեջ: Լուսամուտի տակ հզոր կաղնիներ էին աճում: Արևի շողերը թափանցում էին ծառերի թավ կատարների միջով ու լուսավոր խայտերով արտացոլվում հողին: Հեռվում շնկշնկում էին անվադողերը: Ծառերի վերևում կչկչաց օդային տաքսին՝ փոքրիկ ուղղաթիռը:

Գրոմովը ժպտաց: Նա ամենևին չէր ընտելանում այդ ուղղաթիռներին ու սովորական տաքսիով էր գնում-գալիս: Պրոֆեսորը տեսնում էր, որ քաղաքն ընդարձակվել է ու ավելի բարեկարգվել: Կայարանից եկել էին կիլոմետրերով ձգվող ծաղկանոցների մոտով, պատվո պահակախմբի պես քարացած կանաչ ծառերի անվերջանալի միջանցքով: Ուր նայես, մի նոր բան կգտնես՝ կեչու պուրակ, սլացիկ սոճիների շուրջպար, ճերմակ թիկնոցներով խնձորենիներ ու բալենիներ, ծաղկափթիթ եղրևանիներ... Այգիները կախված էին նաև վերևում, շենքերի տանիքներից: Դրանք տեղումներից պաշտպանված էին թափանցիկ շարժական գմբեթներով: Շենքերը

փայփլուն ժապավենների պես գոտևորած պատուհանների արանքում
ևս կանաչ բուսականություն էր: Գալարուն բույսերը կառչում էին քարից
ու բետոնից:

— Կաղնիները կարգին աճել են,— ասաց պրոֆեսորը՝ պատուհանից
նայելով:

Այո, երկար տարիներ չէր եղել այս քաղաքում:

Կռացավ ճամպուկի վրա, բացեց կողպեքը, հետ գցեց կափարիչը:
Ճամպուկում, փափուկ, երկնագույն նայլոնի վրա, մարմնով մեկ ձգված,
պառկել էր աչքերը փակ մի պատանի: Թվում էր՝ խոր քուն է մտել:

Պրոֆեսորը մի քանի րոպե նայում էր քնածին: Չէ, ոչ ոք չէր կարող ան-
միջապես կռահել, որ իր աչքի առաջ կիրբեռնետիկական տղա է: Կճատ
քիթ, գլխի գագաթին ցցված մազափունջ, երկար թարթիչներ, կապույտ
բաճկոն, վերնաշապիկ, ամառային տաբատ: Նրա պես հարյուրավոր, հա-
զարավոր տղաներ էին չափչփում քաղաքի փողոցները:

— Սհա և տեղ հասանք, Էլեկտրոնիկ,— մեղմ ասաց պրոֆեսորը,— ո՞նց ես:

Տղայի թարթիչները թռթռացին, պսպղուն աչքերը բացվեցին:

Տղան վեր կացավ ու նստեց:

— Լավ եմ,— ասաց փոքր-ինչ խզված ձայնով: — Ճիշտ է, մի քիչ թափ էր
տալիս: Իսկ ինչո՞ւ պիտի ճամպուկում պառկեի:

Պրոֆեսորը նրան օգնեց ճամպուկից դուրս գալ, ուղղեց կոստյումը:

— Անակնկալ: Պիտի իմանաս՝ անակնկալն ինչ է: Բայց դրա մասին հե-
տո կխոսենք: Հիմա արի մի շատ կարևոր արարողություն անենք:

Նա Էլեկտրոնիկին նստեցրեց աթոռին, նրա բաճկոնի տակից հանեց
փոքրիկ էլեկտրական խրոցով դուրսաբեր, ձգվող հաղորդալարն ու մտցրեց
էլեկտրական վարդակի մեջ:

— Վայ,— վեր թռավ Էլեկտրոնիկը:

— Բան չկա, բան չկա, դիմացի՛ր,— հանդարտ ասաց պրոֆեսորը: — Սա
շատ կարևոր է: Այսօր շատ ես շարժվելու: Պիտի էլեկտրական հոսանքով
ուժ առնես:

Թողնելով Էլեկտրոնիկին՝ պրոֆեսորը մոտեցավ տեսահեռախոսին,
սկավառակին հավաքեց համարը: Երկնագույն էկրանը լուսավորվեց: Գրո-
մովը տեսավ ծանոթ դեմքը:

— Հա, հա, Ալեքսանդր Սերգենիչ, այստեղ եմ արդեն,– ծխամորճից օղակ-օղակ ծուխ արձակելով՝ առույգ ասաց Գրոմովը: — Ինքնազգացողությունը: Հիանալի:

— Չեմ ուզում,– պրոֆեսորի թիկունքում լսվեց Էլեկտրոնիկի խզված ձայնը: — Ես այսպես չեմ կարող...

Պրոֆեսորն Էլեկտրոնիկի վրա մատ թափ տվեց ու շարունակեց.

— Համեցեք, եկեք... Սպասում եմ... Զգուշացնում եմ, Ձեզ անակնկալ է սպասում:

Էկրանը հանգավ: Գրոմովը շրջվեց, որ տղային հարցնի՝ ինչու է կամակորություն անում, բայց չհասցրեց: Էլեկտրոնիկը հանկարծ պոկվեց աթոռից, վազեց լուսամուտագոգի մոտ, կայծակնային արագությամբ բարձրացավ վրան ու երկրորդ հարկից նետվեց ցած:

Հաջորդ ակնթարթին պրոֆեսորն արդեն պատուհանի մոտ էր: Տեսավ ինչպես է ծառերի արանքում փայլկլտում կապույտ բաճկոնը:

— Էլեկտրոնիկ,– բղավեց Գրոմովը: Բայց տղան արդեն անհետացել էր:

Գլուխն օրորելով՝ պրոֆեսորը գրպանից հանեց ակնոցն ու կռացավ Էլեկտրական վարդակի վրա:

— 220 վոլտ,– նրա ձայնում տազնապ կար: — Այս ի՛նչ արեցի,– նետվեց դռան կողմը:

Սանդուղքով ցած վազելով՝ նկատեց տնօրենի զարմացած դեմքն ու հանգստացնող շարժումով ձեռքը թափ տվեց: Բացատրությունների ժամանակը չէր:

Մայթի մոտ տաքսի էր կանգնած: Գրոմովը կտրուկ բացեց մեքենայի դուռը, իրեն գցեց նստոցին: Շունչ առնելով՝ վարորդին կարգադրեց.

— Առա՛ջ, առա՛ջ: Պիտի հասնենք կապույտ բաճկոնով տղայի հետևից:

Այսպես սկսվեցին արտասովոր այն իրադարձությունները, որոնք իրենց հորձանուտում բազում մարդկանց ներգրավեցին:

